



Միպիւ

Խունկը

Խունկը կը ծըխի խորանին առջին
Բուրվառին մեղմիկ ճոճումովն արծաթ,
Մուխի վարանք մը պըլլըված խաչին՝
Մըշուշով կ'օժե սուրբերուն ճակատ:
Պաղատանքներու սարսուռներ երկայն
Կամարներուն տակ կը մարին տակավ,
Մոմերու տըժգոյն բոցերը լալկան
Քըթթող աչքերով կը հեան կարգավ:
Սուրբ սյուներուն մոտ դողով կ'երերա,
Միրս մը փաթթըված ըստերով համակ
Ծունկի պես լրդին հըրայքով կ'եռա:
Խունկը իր ցընդի բուրվառին ծոցեն
Ու եթերն ի վեր կ'ելլե խոյանքով,
Նյութ էր, բույր կըլլա լափվելով բոցեն
Իր կյանքը ցողված լույսի երանգով:
Հեք կնոջ սիրտն ալ, որ հոն կը մըխա,
Պիտի չագատի իր պտտյանեն կուռ,
Մինչև որ հալի, լուծվի, տարրանա
Լափվելով բոցեն տենչերուն մաքուր:

1901